

Wien, Österreichische Nationalbibliothek (ÖNB), Cod. 1177

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

9

HIEROGRAPHICI

10

cum breviculis Argumentis etiam reliquis Epistolis praefixus, quae decumanum hunc *Codicem* terminant.

III.

R. 1045. Codex membraneus lat. Sec. XIII. Folior. 271. f. max. per duas columnas magnifice exaratus, literis initiorum partim deauratis, rubro, caeruleoque variatis, cuius possessor fuit a. 1699. *Lemaire de Elicourt auocat du Roy*, ut videtur, *Divione*, est Pars I. splendidi Operis Biblici *Pentateuchum, Josue, Judices, Ruth, IV. Libros Regum, Isaiam, et Jeremiah* complexa, quibus accedit Particula *Prologi Hieronymiani* in *Ezechielem*, et *Danielis Propheta* a v. ult. Cap. IX. usque ad finem. Rubrica princeps est: *In nomine sancte et indiuidue trinitatis Incipit praefatio Sancti ieronimi Presbiteri ad desiderium amicum suum. In pentatheuco hoc est in Quinque libris Moysi scilicet. Ge- gesi. exodo. leuitico. numero. deuteronomio. qui apud hebreos uocan- tur bresit. belesmooth. uagechra. ua- geddabir. addabarim.* Sequitur Elenchus *Capitulorum LXXVII. Ge- neseos*. Similes Elenchi reliqui etiam Libris praemissi sunt ita, ut *Exodus CLX. Leviticus XCII. Numeri LXXXIII. Deuteronomium CLVII.* ejusmodi *Capitula* censem- ant. Interim *Capitum* numerus ho- die receptus rite notatur in margi- ne, et in *Textu magna litera* pi-

cta distinguitur. *Josue* quoque Elenchum *Capitulorum XXXIII. Judices* tantum XVIII. *Primus et Secundus Regum* conjunctim XCV. praferunt. Eadem ratio fuerit *Tertio et Quarto*, verum, quod dolendum, exciderunt Membranae a L. II. c. 18. v. 18. ad L. III. c. 2. v. 6. *Propheatae* supra dicti nulla *Capitula* praemittunt, sed *Capitibus nostris* in margine censentur. *Threni* nullo proprio Titulo gaudent; *Baruch* deest. Quae Codicem terminant, jam sub principium notavi.

IV.

*Pars II. constat Foll. 207. Ex- pletur Particula Prologi Hiero- nymiani in Ezechielem superius in- choata. Dein hoc ordine proce- ditur: Ezechiel, Daniel et qui- dem integer, ut adeo nesciam, quid sibi velit Fragmentum P. I. indicatum, XII. *Propheatae mino- res* ordine consueto, *Libri Salo- monis* adjuncta sub finem ejus *Ora- tione* excerpta e III. *Reg. c. 8. et II. Paralip. c. 6. Job, Tobias*, qui excidit a c. 8. v. 12. et abstulit secum initium L. I. *Paralipomenon* usque ad c. 6. v. 41. Posthaec: *Incipit liber besdre primus.* Ast Apocryphus est ille, quem *Ter- tium compellamus*, hoc initio: *Et egit Josias pascha in ierusalem &c.* qui praeterea dictione multum abit ab Editis, cuius vel Versus ult. exemplum esse possit:*

Wien, Österreichische Nationalbibliothek (ÖNB), Cod. 1177

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

11

C O D I C E S

12

Codex.

Magnifice inspirati sunt enim in verbis, que didicerant, et coadunati sunt omnes in ierusalem iocundari secundum dispositionem domini dei israel.

Neque tamen propterea Nostra de Graeco LXX. versa sunt. Graecus enim Textus sicut in καὶ ἐπιστολὴν Χριστοῦ, et coadunati vel congregati sunt, et ultra non prorogreditur; imitantur tamen Graecos, apud quos apocryphus hic Liber *Esdrae Primus* est, genuino Libro *Primo* unacum *Nebemia* ad secundum locum retruso. Finem huic Parti imponunt II. *Machaabaeorum Libri*, quorum priori Elenchus *Capitulorum LXI.* praefixus est; posterior vero C. 12. a v. 43. memoriam Defunctorum rite celebrat.

V.

Pars III. numerat *Foll. 134.* complectiturque *Novum Testamentum* hoc ordine: IV. *Evangelia*, *Epistolae Pauli*, *Actus Apostolorum*, *Epistolae Canonicae*. I. *Job.* c. 5. v. 7. sic habetur: *Quoniam tres sunt qui testimonium dant in terra. spiritus aqua et sanguis.* Et tres unum sunt. Et tres sunt qui testimonium dant in celo. pater. uerbum. et spiritus sanctus. Et bij tres unum sunt. Claudit Opus decumanum *Apocalypsis*, cuius 11. ultimas lineas minori laciniae inscriptas Compactor inter fol. 132 et 33. inferuit,

Edita.

Magnifice enim sunt exaltati verbi, quibus edicti sunt, et congregati sunt universi in Jerusalem celebrare letitiam secundum testamentum Domini Dei Israel.

monente id ad calcem *Gallo* quondam possessore, qui tamen non monuit, plura Folia a me superius indicata excidisse. Ceterum obseruaverit Lector, praeter *Baruch* etiam huic Bibliothecae Divinae *Psalterium* deesse. Ego vero addo, singulos paene *Libros* instructos esse Prologis *Hieronymi*, aut aliis Argumentis, quibus in Bibliis glossatis praemuniri consuevere.

VI.

Codex membraneus lat. Sec. R. 305 XIII. Folior. 340. f. maj. per duas columnas luculente exaratus, coloribus distinctus, et quondam, ut ad calcem notatum est, *Domus sancti Job. baptiste In Seycz*, quae fuit Carthusia Styriae inferioris, est Pars Prior S. Bibliorum Versionis vulgatae, *Hieronymi Prologis* et solitis Argumentis instructae, et consueto ordine decurrentis usque ad finem L. *Job*, quem, nescio qua ratione factum, excipiunt D. *Pauli Epistolae*, in quibus haec Pars terminatur. Librum *Esdrae* II. haec solum modo Nota miniata distinguit: *Verba Neemie filij belchie*; et ad ejus calcem: *Explicit liber hesdre. Igitur*